

第四二冊目次

八大人覺經一卷	後漢安世高譯	一
佛說三品弟子經一卷	吳支謙譯	二
佛說四輩經一卷	西晉竺法護譯	四
佛說當來變經一卷	西晉竺法護譯	六
過去佛分衛經一卷	西晉竺法護譯	八
佛說十二頭陀經一卷	劉宋求那跋陀羅譯	一〇
佛說樹提伽經一卷	劉宋求那跋陀羅譯	一四
佛說長壽王經一卷	西晉失譯	一六
佛說法常住經一卷	失譯	二〇
菩薩地持經八卷	北涼曇無讖譯	二一
菩薩善戒經九卷	劉宋求那跋摩等譯	一六三
菩薩善戒經一卷	劉宋求那跋摩等譯	二九五
佛說淨業障經一卷	失譯	三〇六
佛說梵網經二卷	姚秦鳩摩羅什譯	三一八
佛說受十善戒經一卷	失譯	三四八
優婆塞戒經七卷	北涼曇無讖譯	三六二

菩薩瓔珞本業經二卷	姚秦竺佛念譯	四六四
菩薩戒本一卷	唐玄奘譯	四九五
菩薩戒本經一卷	北凉曇無讖譯	五一〇
菩薩戒羯磨文一卷	唐玄奘譯	五一八
佛藏經四卷	姚秦鳩摩羅什譯	五二三
佛說菩薩內戒經一卷	劉宋求那跋摩譯	五七七
優婆塞五戒威儀經一卷	劉宋求那跋摩譯	五九〇
佛說文殊師利淨律經一卷	西晉竺法護譯	六〇二
清淨毗尼方廣經一卷	姚秦鳩摩羅什譯	六一三
寂調音所問經一卷	劉宋法海譯	六二六
大乘三聚懺悔經一卷	隋闍那崛多及笈多等譯	六四〇
菩薩五法懺悔經一卷	失譯	六五〇
菩薩藏經一卷	梁僧伽婆羅譯	六五二
三曼陀毘陀羅菩薩經一卷	西晉聶道真譯	六六〇
菩薩受齋經一卷	西晉聶道真譯	六六五
舍利弗悔過經一卷	後漢安世高譯	六六七

五經合卷

行九

八大人覺經

西土聖賢集後漢沙門安世高譯

三品弟子經

佛說四輩經

佛說眾變經

過去佛分衛經

八大人覺經

西土聖賢集後漢沙門安世高譯

為佛弟子常於晝夜至心誦念八大人覺第一覺悟世間無常國土危脆四大苦空五陰無我生滅變異虛偽無主是心惡源形為罪數如是觀察漸離生死第二覺知多欲為苦生死疲勞從貪欲起少欲無為身心自在

第三覺知心無厭足惟得多求增長罪惡菩薩不爾常念知足安貧守道惟慧是業第四覺知懈怠墜落常行精進破煩惱惡摧伏四魔出陰界獄第五覺悟愚癡生死菩薩常念廣學多聞增長智慧成就辯才教化一切悉以大樂

第六覺知貧苦多怨橫結惡緣菩薩布施等念怨親不念舊惡不憎惡人

第七覺悟五欲過患雖為俗人不染世樂念三衣瓦鉢法器志願出家守道清白梵行高遠慈悲一切

第八覺知生死熾然苦惱無量發大乘心普濟一切願代眾生受無量苦令諸眾生畢竟大樂

如此八事乃是諸佛菩薩大人之所覺悟精進行道慈悲修慧乘法身船至涅槃岸復還生死度脫眾生以前八事開導一切令諸眾生覺生死苦捨離五欲修心聖道若佛弟子誦此八事於念念中滅無量罪進趣菩提速登正覺永斷生死常住快樂

八大人覺經

佛說三品弟子經

一名弟子學
有三輩經

吳月支優婆塞支謙譯

聞如是一時佛在舍衛國祇樹給孤獨園與比丘千二百五十人共會說經賢者阿難從座起白佛言願欲有所問惟天中天解說欲決狐疑

佛言善哉恣汝所問多陀竭當為汝解說之阿難問佛言優婆塞學道有上中下輩願佛

行九

二

解之佛語阿難汝乃為當來後世發此問如來當為汝說之諦聽諦受內著心中阿難言諾受教

佛言上輩優婆塞優婆夷受持五戒不犯如毛髮者若行教授開解人者皆令發菩薩心何謂菩薩心者念十方人如視赤子度人入

道作摩訶衍行具足教授無所希望不求供養衣被飯食珍寶錢財之物不為小道以度人為本何謂小道佛言以入大法作摩訶衍行求須陀洹斯陀含阿那含阿羅漢辟支佛是為小道非菩薩法菩薩法者教授一切方便入般若波羅蜜解澀起拘舍羅得薩雲若

慧當知是人作行來久是過去佛時人供養師父如佛無異如是行者為上優婆塞優婆夷也

中輩優婆塞優婆夷者亦受五戒不犯如毛髮者亦是過去佛時人本學道不值明師不聞般若波羅蜜不曉澀和拘舍羅但行一波

羅蜜布施持戒忍辱精進一心不於經法中見慧速前功德得入人道頗有宿識得生法門守戒完具視於師父如佛無異終不犯戒如是行者為是中輩優婆塞優婆夷

下輩優婆塞優婆夷者雖受五戒悉還犯之若見明師曉法賢者便從受問法要當時歡

行九

三

喜向其悔過罪更精進五戒尤無反復懷協
欲想不復持佛戒自貢高還自憎明師賢者
謗說長短我更見明師戒深慧當護方便不
知是師但食供養反信受其言不精經戒是
優婆塞優婆夷為擔死人種不當與共會同
坐起壞人好心行開化人民受其法戒希望
供養欲得錢財穀帛給活妻子假佛威神心
不念十方五道中人欲令度脫反為受者作
想不語摩訶衍慧是為不精佛正真之法語
受經人言當避世間人因緣多少飲酒佛有
百味之食不斷人酒家不持戒者若僮客奴
婢請使他人手殺生耳趣手莫為非佛弟子
復限佛功德何等為限佛功德佛言既行開
授人民不欲令四輩聞知

供養反蔽障大道是優婆塞優婆夷雖為度
人不見般若波羅蜜不解漚起拘舍羅是為
盲冥專行小道滅教人作福無四等心施不
普及請彼置此道法不使
爾時四天王太子使者護佛道神一一記之
稍稍去離之勅伺命許集積累其罪修疏戒
名錄白上帝年壽未盡頓遣惡神因其犯戒
之間奪其餘命自然墮落泥犁中當更十八
獄罪至天地燒乃出或墮一禽獸中或入人
道若在人道者當在愚癡不見法家生
佛言阿難道宜數數聚會講說法義不可不
彰愚人道當得斷法滅佛教罪諸弟子聞佛
說經莫不戰慄皆正心受教為佛作禮

佛說三品弟子經

行九

磧砂大藏經

佛說四輩經

四

影印宋元版

佛說四輩經

或名四輩弟子經
或云四輩學經

西晉三藏法師竺法護譯

四

聞如是一時佛在舍衛國祇樹給孤獨園爾時諸四輩弟子天帝龍鬼神質諒神皆詣祇樹瞽首佛足却就常位坐

佛告諸弟子吾今所出法經所可教誡皆自各守其意念末世毒然之時四輩弟子若出家若居家修道皆狂醉衆色不復承用佛經

法專愚自用便使吾道薄淡令世人謗訕吾道信是弟子傲慢所致驚驚子正衣服叉手一心聽佛說四輩經如是

佛言若末世男子能出家除剃頭髮爲道者第一去離愛欲志存大乘常當慈悲喜護爲主去想行普念一切蚰飛蠕動之類視之如

身無異不得妄起恚怒深入明度常以明度權便誘致朦冥使入無極以戒德除心穢病不得爲世間之業能行此者便可出家名曰道士不可依恃吾法自以出家爲信不專念道或能有下賤之人倚道自活無益一切而但出意說爲人師主輕薄戲調不自檢察使

尊法薄淡世人不信非吾出家弟子之法也佛言若有女人出家除髮爲道以去愛欲當專精靜處不得與出家男子同廟止若行師受當有等類不得獨往稟受常當晚出早還不得妄出廟宿止但得教授女人不得教授男子所著衣服不得刻繒帛綠色苾芣不得

行九

五

輕言戲語不得貪財寶物戒行清淨名曰出家道人若輕言戲誕未語預笑心志不定意行穢濁惡口罵詈輕言不節不能靜處憍慢自大不自檢勅者雖復出家故是賤人非出家弟子也

佛言若有男子心志繫道不能出家者在於

愛欲之中當受持五戒月六齋第一孝順父母治家養子朝暮燒香然燈誓首三尊悔過十方恭敬四輩不得慢經自大去離慳貪常以至誠不得欺殆世人不得與世間人妻婦坐起同席住行相隨同室異牀除去四事以四等心普視一切老者若父若母少者若弟若子恒以明度法藥洗除眾病不得妄瞋恚罵詈常以無極方便誘解世人使入大乘不得爲新學者說深經奧妙之義當爲除想識無罣礙者不得綺飾衣服不得與世間妻女戲謔言語往來報答以致因緣如是者爲清淨道人若行不清淨貪利財色或於世俗綺飾衣服互相翹舉但結非惡眚眚所欲輕言戲謔未語預笑託已同法口說妙言外似清虛內懷貪惑心存財帛以自供給活於妻子慢佛尊經不復修學反習外道之術世藥解奏符呪厭說療治眾病因緣外道解奏之術或於財帛約束上下賊意欲得因解奏之術

不持吾法當來者却皆由斯輩是故非吾法學弟子也

佛言若有女人不能出家在於愛欲之中心樂道者當持五戒月六齋孝順父母姑嫜叔妹夫壻不得搆罵兒子婢使不得輕行來宿止他家不得與世間男子語言調弄戲笑不得妄瞋恚罵詈惡口不得證說他人惡不得陷人兒子妻妾奴婢過惡恒當專精念道爲上首不得與世間凡人說法顏貌不得與人男子相叔不得教他人男子不得說世間吉凶善惡災變之相不得憍慢自大晝夜三時燒香誓首三尊悔過十方稟受經行言數自勸不得希望供養貪利財帛不得嫉妬夫主當自賤女人身願爲男子轉身受福可得上天宮觀自然是清信女人學道之法若不孝順憍慢姑嫜嫉妬夫主搆罵奴婢造惡自是怨恨恚怒毒意向人行者如是是爲非法學女人弟子也

佛告諸弟子清慎汝心守護身口恒以四等
濟於衆生以道寶之慧恩施一切如佛教誡
必得度世弟子諸來會者聞佛說經歡喜奉
行作禮而去

佛說四輩經

行九

佛說當來變經

西晉三藏法師竺法護譯

聞如是一時佛在舍衛國祇樹給孤獨園與
大比丘衆俱比丘五百及諸菩薩

爾時世尊告諸比丘將來之世當有比丘因
有一法不從法化令法毀滅不得長益何謂

爲一

不護禁戒不能守心不修智慧放逸其意唯
求善名不順道教不肯謹慕度世之業是爲
一事令法毀滅

佛告比丘復有二事令法毀滅何謂爲二
一不護禁戒不攝其心不修智慧畜妻養子

行九

七

放心恣意賈作治產以相供活 二伴黨相
著憎奉法者欲令陷墮故爲言議謂之諛諂
內私犯惡外揚清白是爲二事令法毀滅
佛告比丘復有三事令法毀滅何謂爲三
一既不護戒不能攝心不修經義 二自讀
文字不諦句逗以上著下以下著上頭尾顛

倒不能解了義之所歸自以為是 三明者呵之不從其教反懷瞋恨謂相嫉妬識義者少多不別理咸自為是是為三事令法毀滅佛告比丘復有四事令法毀滅何謂為四一將來比丘已捨家在空閑處不修道業二喜遊人間憤鬧之中行來比丘談言求好

袈裟五色之服 三高望遠視以為綺飾自以高德無能及者以雜碎之智比日月之明畜已 四不攝三事不護根門行婦女間宣文飾辭多言合偶以動人心使清變濁身行荒亂正法廢遲是為四事令法毀滅佛告比丘復有五事令法毀滅何謂為五

或有比丘本以法故出家修道廢深經教十二因緣三十七品方等深妙玄虛之慧智度無極善權方便空無相願至化之節 二反習雜句淺末小經世俗行故 三者經典亂道之原好講此業易解世事趣得人心令其歡悅因致名聞 四新聞法人淺解之士意

用妙使深達之人不用為佳天龍鬼神不以為喜心懷悵憾口能發言大法欲滅故使其然捨妙化法反宣雜句諸天流淚速逝而去五由說是正法稍稍見捨無精修者是為五事令法毀滅

佛告比丘吾滅度後有此邪事十四之亂令

法毀滅一何痛哉

若有比丘欲諦學道棄捐綺飾不求名聞質科守真宣傳正經佛之雅典深法之辭不用多言案其本經不捨正句希言屢中不失佛意麤衣趣食得美不甘得麤不惡衣食好醜隨施者意不以瞋喜護身口意守諸根門不

行九

違佛教壽命甚短恍惚已過如夢所見覺不知處三塗之難不可稱計勤修佛法猶救頭然五戒十善六度無極四等四恩智慧善權咸可修行雖復後生不值佛世出家為道學不唐捐平其本心愍哀一切十方蒙恩佛說如是諸比丘悲喜前自歸佛作禮而去

磧砂大藏經

佛說當來變經

過去佛分衛經

卅

影印宋元版

過去佛分衛經

西晉三藏法師竺法護譯

佛言過去世有佛入城分衛與尊弟子諸菩薩俱弟子菩薩姿容相好皆悉端正如本所行各得其道有一母人妊娠數月見佛及僧有所至湊心自計願我所懷子生如此使爲沙門佛弟子日月滿足即生安隱兒亦姝好與衆人異母以恩愛無厭令兒行作沙門中有覺意即自念言我前有願若我生子當使爲道兒今已生有異凡人令我安隱復無惡露不可戀悻恩愛之故違我本心子年七歲家復貧狹即作二人飯具及三法衣手持澡瓶自將其子行詣佛所稽首佛足前白佛言願哀我子使爲沙門今後得道身形如佛佛即聽之令作沙門母以澡罐前洗兒手應時九龍從瓶口出吐水灌兒手中澡訖殘水散

兒頭上水之潺滴於兒頭上化成華蓋珠交
絡帳中有師子座上有坐佛佛笑口中五色
光出照十億佛刹還遶佛身從兒頂入母以
飯具前上佛并食其子子便發無上平等道
意應時十億佛刹為六返震動眾刹諸佛皆
自然現佛以母飯飽爾所佛及諸比丘僧皆

行九

九

等飽足其飯如故亦不損減母即歡喜及無
數天人皆得阿惟越致時兒髮墮成為沙門
即亦得立不退轉地母前白佛今我所見有
三可怪我澡兒手九龍吐水此一可怪澡已
殘水散兒頭上化成寶帳及師子座上有坐
佛是二可怪佛笑口中光從兒頂入是三可
怪願佛為我分別說之佛言此兒却後十四
劫當得作佛九龍當浴師子座華蓋寶帳佛
笑光從兒頂入皆是其應母聞佛言倍懷踊
躍後當得作母人轉輪聖王積七白世竟其
劫壽盡轉母人身當得阿惟越致佛言是時
小兒我身是我今於世功德如是諸天龍神

一切人民聞佛所說皆得阿惟越致

無熱佛 性空佛 天王佛 金仁佛

過去佛分衛經

五經合卷音

危脆下取歲反易斷也俗作脆罪數下音叟察答初二通用
內著上音納協胡帖反諾奴各反衍音演漚初八反愁上烏侯反

四經合卷

行十

十二頭陀經

樹提伽經

長壽王經

法常住經

佛說十二頭陀經

一名沙門頭陀經

劉宋天竺三藏求那跋陀羅譯

拜卿

如是我聞一時佛在舍衛國給孤獨園精舍與八千比丘僧菩薩萬人皆著衣持鉢遊行乞食食已至阿蘭若處加趺而坐

爾時世尊怡然微笑時長老摩訶迦葉從座起整衣服長跪合掌而白佛言世尊我從昔

來未曾見佛無緣而笑願見哀愍告示我等佛告迦葉我見阿蘭若處十方諸佛皆讚歎無量功德皆由此生求聲聞者得聲聞乘求緣覺者得緣覺乘求大乘者速得無上正真之道我今住此是故喜耳爾時摩訶迦葉聞佛所說歡欣踊躍歎未曾有重白佛言世尊

此阿蘭若處利益弘深能令衆生依此修學成三乘道惟願世尊開示我等阿蘭若法佛告迦葉諦聽諦聽善思念之我當爲汝略說其義迦葉白佛言世尊唯然受教佛告迦葉阿蘭若比丘遠離二著形心清淨行頭陀法行此法者有十二事一者在阿蘭若處二常行乞食三次第乞食四者受一食法五者節量食六者中後不得飲漿七者著弊納衣八者但三衣九者塚間住十者樹下止十一者露地坐十二者但坐不卧一者阿蘭若比丘行頭陀時應作是念我今在此空閑之處爲無上道捨身命財修三堅法死當如獸死不生顧戀若至病苦須人之時當作是念我今一身爲法出家法爲我伴若勤行法者即是救護是爲阿蘭若法行者本以居家多惱捨父母妻子出家行道而師徒同學還生結著心復多燒亂是故受阿蘭若法令身遠離憤鬧住於空閑遠離者離衆

聞聲若放牧處最近三里能遠益善若得身遠離已亦當令心遠離五欲五蓋阿蘭若比丘法當如是

二者欲入聚落乞食之時當制六根令不著色聲香味觸法又不分別男女等相得與不得其心平等若好若惡不生增減不得食時

行

二

應作是念釋迦如來捨轉輪王位出家成道入里乞食猶有不得況我無福薄德之人而有得耶是為乞食法行者若受請食若眾僧食起諸漏因緣所以者何受請食者若得食便作是念我是福德好人故得若不得食則嫌恨請者彼無所別識不應請者請應請者

不請或自鄙薄懊惱自責而生憂苦是貪憂法則能遮道僧食者入眾中當隨眾法斷事擯人料理僧事處分作使心則散亂妨廢行道有如是等惱亂事故應受常乞食法

三者頭陀比丘不著於味不輕眾生等心憐愍不擇貧富故受常次第乞食法四者應作

是念我今求一食尚多有所妨何況小食中食後食若不自損則失半日之功不能一心行道為佛法故為行道故不為身命如養馬養豬法是故斷數數食應受一食法

五者得一食時應作是念我今若見渴乏眾生以一分施之我為施主彼為受者施已作

是願言令一切眾生與覆救之莫墮慳貪持食至空靜處減一搏食著淨石上施諸禽獸亦如上願若欲食時當敷尼師壇淨手作是念言身中有八萬戶蟲蟲得此食皆悉安隱我今以食施此諸蟲後得道時當以法施汝是為不捨眾生若不見困乏者但食三分之

行十

三

二以自支身命所以者何行者若貪心極噉令腹脹氣塞妨廢行道若留一分則身輕安隱易消無患於身無損則行道無廢是故應受節量食法

六者節量食後過中飲漿則心生樂著求種種漿果漿蜜漿等求欲無厭不能一心修習

善法如馬不著勒左右噉草不肯進路若著轡勒則噉草意斷隨人意去是故受中後不飲漿法

七者應入聚落中拾故塵棄物浣之令淨作弊納衣覆除寒露有好衣因緣則四方追求墮邪命中若得人好衣則生親著若不親著

檀越則恨若僧中得衣如上說僧中之過有好衣是未得道者生貪著處好衣因緣招致賊難或至奪命有如是等患故應受弊納衣八者應少欲知足衣取蓋形不多不少白衣為好故畜種種衣或有外道苦行裸形無恥是故佛弟子應捨二邊處中道受但三衣法

九者若佛在世若滅度後應修二法所謂止觀無常空觀是佛法初門能令厭離三界冢間常有悲啼哭聲死屍狼籍眼見無常又火燒鳥獸所食不久滅盡因是屍觀一切法中易得無常想又塚間住若見死屍臭爛不淨易得九想觀是離欲初門是故應受塚間住

法十者行人已作不淨無常等觀得道事辦若未得道者心則大厭是故應捨至樹下思惟求道又如佛生時成道轉法輪般涅槃時皆在樹下行者隨諸佛法常處樹下有如是等因緣故應受樹下坐法

十一者在樹下住如半舍無異蔭覆涼樂又生愛著我所住者好彼樹下不好如是等生漏故至露地住作是思惟樹下有種種過一者雨漏濕冷二者鳥屎汗身毒蟲所住有如是等過空地則無此患露地者著脫衣裳隨意快樂月光遍照令心明利易入空定是故應受露地坐法

行十

十二者身四威儀中坐為第一食易消化氣息調和求道者大事未辦諸煩惱賊常伺其便不宜安卧若行若立心動難攝亦不可久是故應受常坐法若欲睡時脇不著席是為十二頭陀之法

佛告比丘汝等今者繫心一處無令散亂禪

定功德從是得生一切凡夫以顛倒故計有我人衆生壽命隨逐假名起諸妄見從本以來五陰清淨空無我所不生不滅不出不在非凡夫非不凡夫非聖人非不聖人離諸名數言語道絕諸佛不能行不能到汝等今者宜各靜緣諦觀身相

時諸比丘聞佛所說心生歡欣即觀此身皮膚血肉膿爛穢惡筋骨脉髓肪膏腦膜目淚涕唾肝膽脾腎心肺痰癰生熟二藏小腸大腸大小便利髮毛爪齒胞胎垢汗等三十六物九孔不淨從外至內從內至外推求我相了不可得精勤不已遂見其心念念生滅如水流燈焰生無所從來滅無所至現在不住知此五陰從本以來空無所有滅除諸相證如實智成阿羅漢諸菩薩等思惟法已得無生忍滿足十地

佛告諸大衆誰能於後像法之中護持此經廣宣流布使求佛道者識其要妙

五

時天帝釋與龍神八部聞佛宣告從空而下誓首佛足而白佛言世尊若像法之中有三乘人在空閑處求佛道者我等爲作衛護不令諸惡鬼神得嬖亂之文殊師利法王子白佛言世尊我當承佛威神於未來世護持此經使不斷絕有修學者爲作開導爾時阿難前白佛言世尊當何名此經云何奉持佛告阿難此經名爲頭陀苦行亦名離著集諸善本汝當奉持爾時天龍八部一切大衆聞佛所說歡喜奉行

佛說十二頭陀經 行十 五

磧砂大藏經

佛說樹提伽經

卅

影印宋元版

佛說樹提伽經

劉宋三藏求那跋陀羅譯

佛言有一長者名為樹提伽倉庫盈溢金銀具足奴婢成行無所乏少有一白氎手巾掛著池邊遇天風起吹王殿前王即大會羣臣坐共參論羅列卜問怪其所以諸臣皆言國

欲將興天賜白氎唯樹提伽默然不言王語樹提伽諸臣皆喜卿以無言樹提伽答言不敢欺王是臣之家拭涕之巾掛著池邊遇天風起吹王殿前以是之故默然不言却後數日有九色之華大如車輪遇天風起吹王殿前王大會羣臣坐共參論羅列卜問怪其所

以諸臣皆言國欲將興天賜金華樹提伽默然不言王語樹提伽諸臣皆喜卿亦無言提伽答言不敢欺王是臣之家後園之中萎落之華遇天風起吹王殿前以是之故默然不言王語樹提伽卿家乃爾命卿約勅家中廣作調度朕須還歸將領二十萬衆到卿家看

提伽答言願王共臣相隨臣家自然牀褥不須人敷自然飲食不須人作自然擎來不須呼喚自然擎去不須反顧王將領二十萬衆到樹提伽南門直入閣中有一童子顏容端正肉色豐悅甚復可愛王語樹提伽是卿家兒郎以不答言臣不敢欺王是臣之家守閤

行十

六

之奴小復前進至內閣有一童女顏容端正肉色豐悅甚復可愛王語樹提伽卿家女婦以不答言臣不敢欺王是臣之家守閤之婢小復前進至樹提伽堂前白銀為壁水精為地王見謂呼水流疑不得前樹提伽即導王前以入將王企金牀踞王机樹提伽婦一百二十重金銀幃帳裏出為王設拜眼中淚出王語樹提伽卿婦為我設拜有何不憚眼中淚出答言臣不敢欺王聞王煙氣以是之故眼中淚出王言庶民然脂諸侯然蠟天子然漆亦無煙氣何得淚出樹提伽言臣不敢欺王臣家有一明月魂珠掛著殿堂無晝無夜

不須火光王是煙中之王是故聞氣耳樹提伽堂前有一十二重高樓將王上視東望西視南望北瞻徧憊惱惱已經一月大臣白王國計事大事須還歸料理人民王謂須臾小復可忍樹提伽復將王後園之中看流泉浴池各皆可美甚復可愛憊憊惱惱已經一月

大臣白王國計事大事須還歸料理人民王謂呼須臾小復可忍樹提伽七寶布施綾羅繒綵二十萬衆人馬車乘一時還國王即大會羣臣共坐參論羅列小問怪其所以樹提伽是我之民婦女宅舍過甚於我我欲伐之可取以不諸臣皆言宜可取之王將領四十

七

萬衆椎鍾鳴鼓圍樹提伽合數百餘重樹提伽門中一力士手捉金杵一擬四十萬衆人馬俱倒手脚繚戾腰髀嬰婆狀似醉容頭脚跋蹠不復得起樹提伽乘雲之車在虛空中來問諸人來時何意卧地不起大王遣來欲伐長者門中有一力士手捉金杵一擬令四

十萬衆人馬俱倒繚戾腰髀嬰婆狀似醉容頭脚跋蹠不復得起樹提伽問諸人欲得起不諸人皆言欲得起樹提伽舉一神杖令四十萬衆人馬俱起還國王即遣使喚樹提伽我共同居而載往詣佛所問言世尊樹提伽是我之臣前身有何功德女婦宅舍過甚於

我佛言樹提伽五百商主將諸賁人賁持重寶經過險路于時深山之中見一病道人給其庵屋厚敷牀褥給其水漿錫米糧給其燈燭于時乞願願得天堂之供今得果報于時布施若是誰樹提伽是也病道人者我身是也五百賁主人皆得阿羅漢道也佛說經竟王及諸臣發阿耨多羅三藐三菩提心禮佛即退

行十

佛說樹提伽經